

## 2 PyƎƎri

### PyƎƎri ya sɛmɛ shuun wo wemu ka ge

*Jɔgɔ mu we sɛmɛ we d'a tun wɛ?*

Li wa kanna egilizi nigin wa mu PyƎƎri ya we sɛmɛ we ka na tun wɛ, ga Kiricɛɛn pu bɛeri mu w'a wu tun (2 PyƎƎri 1:1). W'a li shɛ na wee wo canja nii l'a nɔ li taxɔgɔ ni (2 PyƎƎri 1:12-14).

*We sɛmɛ we kakana nuɲɔ*

PyƎƎri ya bi karamɔgɔlɔɔ kafinejuu pu wo kalaakuumu wu kaa logo, wemu p'a bi gaan n'a daa fɛɛ pu mu ge, lee wuu na w'a we sɛmɛ we ka wu guri n'a daa fɛɛ pu funyɔ to can wa shizhaa na, w'a bi pu kalaa xɔ wemu ni ge. Lee yɛɛ le ninumɔ Zhude bɛ ya pye (Zhude 5-16).

*Sɛmɛ wu kafila nuɲɔyɔ*

**2 PyƎƎri 1** Kalaa wemu y'a ta ge, yi pye nuɲmɛhɛɛ fɛɛ wee kalaa wu shizhaa na.

**2 PyƎƎri 2** Funduuro temu w'a pye karamɔgɔlɔɔ kafinejuu pu shizhaa na ge.

**2 PyƎƎri 3** Kirisa na guri ba nakaara baa.

*PyƎƎri fɔ mujuu*

<sup>1</sup> Nɛ Simɔ PyƎƎri we wu jɛ Yesu Kirisa wo kapye-bye, ni wu tudunmɔ ge, nɛ w'a we sɛmɛ we tun yee mu, yee piimu p'a see see n'a daa wu ta ni wɛɛ ni, wu Kile ni wu Shɔvɔɔ Yesu Kirisa wo dii wu funɲɔ ni ge. <sup>2</sup> Kile wu niime ni nuɲɲɲɛ kan jɛhɛ yi mu Kile ni wu Kafɔɔ Yesu wo jɛ wu funɲɔ ni.

*Kilɛ w'a wù yiri na wù pa jé wu Ja wu saanra ti ni*

<sup>3</sup> Keree kiimu bæeri k'a yaa ni wù ni wù jiiɸɛɛɛ ti funɲɔ ni, wù bye Kilɛ ɲi fyaara sipyii ge, Kilɛ ya kee bæeri kan wù mu wu seɸɛɛɛ ti funɲɔ ni. Wemu w'a wèe yiri, na pa binne ni wu ni wuyɛ pyaa wo nɔɔɔ we ni wu saama pu na ge, w'a wèe pye wèe ya weefɔɔ cɛ. <sup>4</sup> Tee seɸɛɛɛ te funɲɔ ni, Kilɛ ya ɲɔmɛhɛɛ lɔ wèe mu kiimu ya ɲɔ fo xuuni ge. Lee na, ɲɔmɛhɛɛ kiimu w'a lɔ yee mu ge, yi bu kee ta yi na já voro ke koɲɔ ke ni, lakuunɔ ya kemu fɔnhɔ ge, na já pye ni zɔ nigin ni ni Kilɛ yɛ pyaa ni.

<sup>5</sup> Lee wuu na yi la le yiyɛ ni xuuni, y'i saama fara yi n'a daa wu na, y'i Kilɛ wo macɛɲɛ ki fara pee saama pu na. <sup>6</sup> Na já mayɛ na, y'i lee fara Kilɛ wo macɛɲɛ ki na, y'i lowaa fara na já mayɛ na wu na, y'i Kilɛ ɲi fyaara fara lowaa li na. <sup>7</sup> Na pye ɲire ni ni n'a daa fɛɛ pu ni, y'i lee fara Kilɛ ɲi fyaara ti na. Yi taanɲɛɛge fara n'a daa fɛɛ pu wo ɲire ti na. <sup>8</sup> Kii keree kii bu da yi ni, na yi yaa xuuni, yi da bye saa fɛɛ ni kuduun baa fɛɛ wù Kafɔɔ Yesu Kirisa wo jɛ wu ni wɛ. <sup>9</sup> Ga kii keree kii bu wemu kuunɔ, weefɔɔ ya ɲaa xuuni wɛ, w'a bye ba fyɛn ɲɛ wɛ. Kilɛ ya wu jurumu wemu je laha wu na, na wu pye fɛɸɛɛ ge, wu funɲɔ na wɔ lee na.

<sup>10</sup> Lee wuu na ceborogo, yi ɲaha ya bulo, na yi yiri lemu na ge, yi lee pye baraga kaa. Yi ba lee pyi, yi da ga gurunɔ di do Kilɛ koo li ni bada wɛ. <sup>11</sup> Lee funɲɔ ni Kilɛ da saanra ti wo kupɔɔ li mugi xuuni yi mu, saanra temu da ga xhɔ wɛ. Tee ɲɛ wù Kafɔɔ ni wù Shɔvɔɔ Yesu Kirisa wuuro te.

<sup>12</sup> Lee na, nɛ funɲɔ ki wa di da yi funɲɔ tun kii keree kii na tuun bæeri ni, ali na ta y'a ki cɛ xɔ bɛ.

Can jomɔ pe p'a nɔ yee na ge, yee ya pye nɔmɛhɛɛ fɛɛ pu funɔ ni. <sup>13</sup> Ga na nɛ yaha ke jɪŋɛ ke na, nɛ li ta l'a saha nɛ w'a yi funɔ tun ni kii keree kii ni, kɔnhɔ y'i da jɛni. <sup>14</sup> Bani nɛ li ɛ jo nɛ foroduun w'a nɔ xɔ ke kɔɔ puga ke ni; wù Kafɔ Yesu Kirisa w'a na pye n'a lee ɛ. <sup>15</sup> Ga n'a da na se bɛeri pye, kɔnhɔ na nigaraga na, yi funyɔ di da dun ni kii keree kii ni tuun bɛeri ni.

*Tudunmɔ p'a Kirisa wo nɔrɔ wu ja*

<sup>16</sup> Wèe ya ta wù Kafɔ Yesu Kirisa wo fanha ke ni wu ba wu kaa jo yi mu ni shizhiinmɛ fɛɛ wo giraya ni wɛ. Ga wèe ya wu ja wù jɪi ki na, wu ni wu nɔrɔ wu bɛeri ni. <sup>17</sup> To Kilɛ nidɛɛngɛ ki jɛ wu fanha ke, ni wu nɔrɔ wu ni. W'a pɛɛɛ ni nɔrɔ taha Yesu Kirisa na, tuun wemu ni w'a jo ge na: «Nɛ jɪidaan ja wu jɛ we, wu kaa ya dan nɛ ni fo xuuni.»\* <sup>18</sup> Wèeyɛ pyaa ya lee mujuu le logo na yiri fugba we ni, tuun wemu ni wèe di bye ni Yesu ni fɛfɛɛɛ bobonɔ ki na ge.

<sup>19</sup> Kee keree kii bɛeri ya li shɛ wèe na na can wu jɛ Kilɛ tudunmɔ pu wo jomɔ pe. Yi bu fungɔngɔ ta pee na, lee na bye kasaana. Bani pee jomɔ pe jɛ ba sokinna jɛ wɛ, wemu ya kpɛɛngɛ yeege nibiige ni yani jiga ki pa mugi, jɪmugunɔ wɔrɔ li l'a jɪ jɪ yi zɔlɔ pu na ge. <sup>20</sup> Yi fɛnhɛ li ɛ na sipya wa shishiin ya Kilɛ Kafila wu wo kapaŋaa ki jomɔ ɛni wuyɛ ni wɛ. <sup>21</sup> Bani sipya wa shishiin ya ta w'a kapaŋaa jo ni wuyɛ pyaa fanha ni wɛ. Ga Kilɛ ya wu jomɔ pu kan sipyii mu ge, Fɛfɛɛɛ Munaa fanha ni p'a pu jo.

---

\* **1:17** Macoo 3:17

## 2

### *Karamɔgɔ-kafinejuu keree*

<sup>1</sup> Fo taashiine ni, ba tudunmɔɔ kafinejuu ya ta sipyiire ti ni we, mu karamɔgɔ-kafinejuu da ba da yi be niɛ ni. Kalaa we w'a sipyii waagi, na bɔɔngɔ nɔni pu na ge, pu na ba wee kaan yi mu. Kafɔɔ we w'a pu juɔɔ wolo ge, pu na ba wee kaa she, na bɔɔngɔ shan puyɛ juɔɔ ni tɔvuyo na.

<sup>2</sup> Sipyijehemɛɛ na ba daha pu feni, na doroo pu jidaan torogaguunɔɔ beeri na. Lee funɔɔ ni sipyii na ganha na can koo li mege kyɛɛgi. <sup>3</sup> Na ta pu wo wari lakuunɔ funɔɔ ni pu da ba yi faanna ni pu namari jomɔ ni, na yi keɛɛ yanmuyɔ shuu yi na. Ga fo taatuunnɔ ni kiiri ya gbegele yaha na pu sige, bɔɔngɔ na ba nɔ pu na tɔvuyo na.

<sup>4</sup> Melekeɛ piimu p'a jurumu pye ge, Kile ya ta juɔɔ jaari pu na we. Ga w'a pu w'a Jahanemɛ nibiige ki wecogoyo yi ni, na pu nibɔyɔ mara yaha w'a na kiiri wu cana ki sige. <sup>5</sup> Kile ya ta juɔɔ jaari taashiine li be wo koɔ ki na we. Ga logbɔhɔ w'a taga wu jii fyaara baa sipyii pu kyɛɛgi kee koɔ ki be na. A wu Nuxhun ye nigin juɔɔ wolo, wee wemu wu bi tiime pu wo yeɛ li pyi ge, na fara wu puga sheen gbarashuun wu na. <sup>6</sup> W'a Sodɔmu ni Gɔmɔɔri kulogoo ki be kyɛɛgi, na pu sorogo na pye shɔɔnrɔ. Sipyii piimu p'a ma, p'i je Kiriceen we ge, na pu pye jaha sheshɛɛɛ pee mu. <sup>7</sup> Ga Lɔti we wu bi tii ge, w'a wee juɔɔ wolo. Wee bi kanha fo xuuni pii kakuubyii pii wo torogaguunɔ li funɔɔ ni. <sup>8</sup> Na ta wee na we w'a tii ge, wee be nidɛngɛ ki bye pu te ni. Wu bi pu katiibaagaa kiimu jaa, na kiimu nuri ge, kee bi wu zɔsaama wu kana jiga beeri.



ε ge, pu ma pee faanna na luu ni kafilafεεfεεgeε ni. Lee wuu na pu ma ceppuuro wo shiige baara keree taga puyε tεge. <sup>19</sup> Pu ma yu na pu da pee wolo bulooro ni, na ta lakuunɔ keree kii p'a byi ge, puyε pyaa di jε kee wo buloo. Bani kaa lemu ba se taa ma na, m'a jεri lee wo bulo. <sup>20</sup> Can na, sipyii piimu p'a ta shɔ konɔ ke wo nɔrɔmɔ keree kii na, wù Kafɔɔ ni wù Shɔvɔɔ Yesu Kirisa wo jε funɔɔ ni ge, kee keree kii bu peefεε ta co sanha, na se ta pu na, pu taxɔgɔ keree na ba waha na toro taashiine li tãan. <sup>21</sup> Pu ma Kile wo tiime koro li cε, ga Kile wo jɔmεhεε kii p'a she pu na ge, p'a kee yaha. Lee funɔɔ ni li bi pɔrɔ pu mu, pu ganha tiime koro li cε bε wε. <sup>22</sup> Nimε, le l'a nɔ pu na ge, lee ya li shεε na can wu jε kii talenεε kiiri: «Ponɔ l'a kuri li tũguro ti feni,» ni «P'a shaazhɔ wu wuu, a wu guri she jé jɔrɔyɔ ni.»

### 3

#### *Kafɔɔ Yesu wo paduun wu keree*

<sup>1</sup> Na taanjiineε, nε sεmε shuun wo w'a we na wu tun yee mu. Nε yee funɔɔ tun keree kii na pii sεmεε shuun we ni, kɔnhɔ y'i fungɔngɔ nizaanɔ ta. <sup>2</sup> Jomɔ pemu Kile wo fεfεεεε tudunmɔɔ p'a jo toro yi mu ge, ni wù Kafɔɔ, ni wù Shɔvɔɔ wu wo tudunmɔɔ p'a wu tuduro teke jo yi mu ge, yi yi fungɔnyɔ yaha yee na.

<sup>3</sup> Lekε y'a yaa na fεnhε cε ge, lee li wa mε. Taaxɔɔ li ni lawuu fεε pii na ba ba piimu lawuu w'a pe ge. Pu na ba jaari na bε ni puyε pyaa wo lakuunɔ ke ni. <sup>4</sup> Pu na ba yu: «Yesu ya jɔmεε lemu lɔ yee mu na wu da ba ge, mii w'i jε wε? Wèε sefεlεε p'a xu, ga keree ki bεeri di jε ki siime na ba konɔ k'a jɔ kɔn

wε.» <sup>5</sup> Pu ya go p'i le cε yaha pu funyɔ ni wε, na: Kile w'a fugba ni jinε yàa fo taashiine ni. Wu jɔ jomɔ funɔ ni Kile ya jinε yereɛ lɔhɔ ni, na ki yàa ni lɔhɔ ni. <sup>6</sup> Lɔhɔ ni bε sanha Kile ya taashiine li wo koɔ ke ni ki funɔ yaɲmuyɔ bεeri kyεεgi, logbɔhɔ ki tuun wu ni. <sup>7</sup> Ga pee jɔ jomɔ pe ninumɔ pu wa niɲaa wo fugba we ni jinε ke bε kemε yaha, na Kile nii fyaara baa sipyii pu wo kiiri we, ni pu gyεεgi wu caɲa sigee. Kee caɲa ke, na na ba fugba we, ni jinε ki bε sorogo.

<sup>8</sup> Ga, na taanɲiineε, kaa nigin wa wà, y'a yaa na lee cε, lee li wa mε. Caɲa nii nigin ɲε Kafɔɔ ɲaha tãan ba yee kabɔfonɔ nigin (1.000) ɲε wε, yee kabɔfonɔ nigin (1.000) bε di ɲε wu ɲaha tãan ba caɲa nii nigin ɲε wε. <sup>9</sup> Pii wa yu na Kafɔɔ ya go wu wu ɲɔmεε li koo ɲaari wε, na w'a mɔ toro. Lee bε wε! Kile ya luu gbo yee tãan. Wu la ɲε wa shishiin bε wu kyεεgi wε; wu funɔ ki ɲε sipyii pu bεeri di daajeɛ jo pu jurumu wu na, p'i ba Kile mu. <sup>10</sup> Kafɔɔ cabaɲa, kee na ba sipyii pu fo ba nagaa ya sipya foni wε. Kee caɲa ki na, fugba we na ba doro ni tunmɔ nigbɔ ni, na na ba wu funɔ yaɲmuyɔ yi bεeri sorogo fεεfεε, jinε ke ni ki yaɲmuyɔ bεeri na ba sorogo.

<sup>11</sup> Wee tuun wu ni, na ye yaɲmuyɔ ye yaha yi na da ba ɲa le ɲagana le na, yee torogana l'a yaa na tii, y'i la fara yi Kile nii fyaara ti na. <sup>12</sup> Kafɔɔ cabaɲa ke, yi ki sige, yi la le yiyε ni, k'i weri nɔ. Kee caɲa ke, na na ba fugba wu sorogo. Yaɲmuyɔ yi bεeri na ba ɲa na xhɔ. <sup>13</sup> Kile ya jinε nivonɔ ni fugba nivomɔ wemu ɲɔmεε lɔ wée mu ge, wu na ba daa yee na. Wee xuu we ni, keree ki bεeri na ba byi Kile wo tiime pu funɔ ni.

<sup>14</sup> Lee wuu na na taanɲiinɛɛ, na yi yaha yi na kee canja ke sigee, y'a yaa na la le yiyɛ ni wu ba yi ta fɛɛfɛɛ, jaagi baa, y'i bye ɲaɲiɲɛ na ni wu ni. <sup>15</sup> Y'a yaa na li cɛ na Kile na luu gbo yee taan, lee ni yee wo ɲuwuuro t'a foro. Yee ninuyɔ wù ceborona, wù taanɲii Pɔli be ya jo yi mu. Kile ya fungɔngɔ fɛɛɛɛ temu kan wu mu ge, tee fanha ni w'a yi jo. <sup>16</sup> Yee w'a gani wu sɛmɛɛ pu beɛri ni, pe jomɔ pe shizhaa na. Tɛyɛ ya wa wà wu sɛmɛɛ pu ni, yemu kɔri cɛmɛ p'a pɛn ge. Ga pii pu ɲɛ fungɔngɔ fɛɛɛɛ baa, pu ɲɛrimɛ be di ya pɛn wɛ, pee wa yee tɛyɛ yi wo jomɔ pu kɔri ɲɛri. Mu shiin pu wa Kile Kafila wu wo jomɔ pa be ɲɛri. Na pu yaha lee na, puyɛ pu wa gyɛɛgi.

<sup>17</sup> Na taanɲiinɛɛ, nɛ kunni wa yi funɲɔ to, yi kasɛɛge yaha yiyɛ na, kɔnhɔ pu ganha bu yi ta ni pu piinɲɛ jomɔ pe ni, p'i yi laha yi tayerege nizaanja ke ni wɛ. <sup>18</sup> Ga, yi la le yi da se ɲaha na wù Kafɔɔ ni wù Shɔvɔɔ Yesu Kirisa wo niime we, ni wu macɛɲɛ ke ni. Nɔɔrɔ wu taha wee na na lɔ nime na fo gbee. Amiina.



**KARINĒĒGE NŌMĒE NIVONŌ**  
**New Testament and Shorter Old Testament in**  
**Senoufo, Mamara**

copyright © 2014 Wycliffe Bible Translators, Inc.

Language: Mamara S noufo (S noufo, Mamara)

Translation by: Wycliffe Bible Translators

Contributor: Wycliffe Bible Translators, Inc.

  2014-08-10, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

---

PDF generated using Haiola and XeLaTeX on 11 Nov 2022 from source files dated 29 Jan 2022

85728ed7-78f8-58e8-8967-0e976c0c2423